

薩帝釋王等諸天及四大王人天阿修羅迦樓羅緊那羅乾闥婆等一切世間聞佛所說皆大歡喜

無字寶篋經

大乘離文字普光明藏經

唐中天竺國三藏法師地婆訶羅奉勅譯

如是我聞一時佛在王舍城耆闍崛山中與大菩薩無量百千億那由他數皆是大智精進善巧證無言法獲妙辯才是處非處不相違反善調身心具諸解脫常遊三昧不捨大悲慚愧為身智慧為首多所饒益如大寶洲了知諸法善不善相不著文字而有言說於真俗門洞達無礙深明實際不住其中善能分別而無所受雖獸生死常護世間周徧十方有大名稱於真妙藏寂然宴息雖現受身永出三界而行諸有勉濟眾生平等教誨志

常賢善平等憐愍心無染著能令自他莫不清淨成就如是無量功德其名曰勝思惟菩薩法震音菩薩妙身菩薩法軻菩薩辯積菩薩持地菩薩持世菩薩大名稱為菩薩具諸辯菩薩千容相菩薩功德山菩薩蓮華眼菩薩蓮華面菩薩珠髻菩薩妙音菩薩如是等菩薩摩訶薩皆如童子色相端嚴於此眾中而為上首

爾時觀自在菩薩與恒河沙等紹尊位者諸菩薩俱殊勝見菩薩與無央數天帝釋俱虛空藏菩薩與無量菩薩及無量四天王眾俱大勢至菩薩與無量億梵天眾俱徧吉祥菩薩與無量姝女俱普賢菩薩不空見菩薩星宿王菩薩離疑菩薩息諸蓋菩薩藥王菩薩藥上菩薩各與無量菩薩眾俱其中亦有無量諸佛自變其身作菩薩像尊者舍利弗摩訶目軻連摩訶迦葉如是等大阿羅漢各與無量聲聞眾俱那羅延等無量天眾乃至恒

沙國土日月諸天威光照耀悉來佛所至佛所已彼天威光不能復現猶如聚墨對閻浮金婆樓那龍王德叉迦龍王阿那婆達多龍王美音軋闍婆王無擾濁迦樓羅王各與無量諸眷屬俱來入此會十方世界如恒河沙所有菩薩咸於本土啓請如來與諸四衆同時到此各持種種出過世間殊好供事奉上於佛諸菩薩已即於會中坐蓮華座

尔時勝思惟菩薩摩訶薩從座而起偏袒右肩右膝著地合掌向佛而作是言世尊我今欲請二字之義惟願如來垂哀見許

佛告勝思惟菩薩言善男子欲有問者隨汝意問如來不爲一衆生故出現世間爲欲利益無量衆生而出現耳

於是勝思惟菩薩即白佛言世尊何者一法是諸菩薩所應永離何者一法是諸菩薩應常護持何者一法是諸如來現所覺了

佛言善哉善哉善男子汝以如來威神之力

乃能問我如是深義諦聽諦聽善思念之當爲汝說

善男子有一種法菩薩應離所謂欲貪善男子如是一法是諸菩薩所應永離善男子復有一法菩薩應離所謂瞋怒如是一法是諸菩薩所應永離善男子復有一法菩薩應離所謂愚癡如是一法是諸菩薩所應永離善男子復有一法菩薩應離所謂我取善男子復有一法菩薩應離所謂疑惑善男子復有一法菩薩應離所謂憍慢善男子復有一法菩薩應離所謂懈怠善男子復有一法菩薩應離所謂惛眠善男子復有一法菩薩應離所謂愛著善男子如是一法是諸菩薩所應永離善男子汝復問我何者一法是諸菩薩應常護持善男子謂諸菩薩非己所安不加於物若諸菩薩守護此法即是能持諸佛如來一切禁戒何以故自愛身命不應殺生自重資財不應偷盜自護妻室不應侵他如是等行

皆名一法善男子若有敬順如來語者於此
一法常當憶念何以故無有衆生愛樂於苦
凡有所作悉求安樂乃至菩薩求阿耨多羅
三藐三菩提亦為自他皆得樂故善男子以
如是義我說此言非已所安不加於物如是
一法是諸菩薩應常護持

善男子如汝所問何者一法是諸如來現所
覺了善男子無有少法是如來覺何以故如
來覺者無所覺故善男子一切法無生是如
來覺一切法無滅是如來覺一切法離二邊
是如來覺一切法不實是如來覺善男子諸
業自性是如來覺一切法從因緣生是如來
覺因緣之法猶如電光是如來覺以因緣故
而有諸業是如來覺善男子一切法性普光
明藏是如來覺善男子何故法性名普光明
藏善男子世出世智依之以生如母懷子故
名為藏若智生時反照其本如是法性為般
若波羅蜜之所攝藏是故名為普光明藏善男

子一切法如幻如焰是如來覺善男子諸法
實性一味解脫是如來覺一味解脫是即名
為普光明藏善男子一相法是如來覺云何
一相所謂諸法不來不去非因非緣不生不
滅無取無捨不增不減善男子諸法自性本
無所有不可為喻非是文詞之所辯說如是

一法是諸如來現所覺了當佛說此在嚴王
離文字普光明藏法門之時有十地菩薩所
見微塵數衆生悉發阿耨多羅三藐三菩提
心復有如是微塵數衆生皆發聲聞辟支佛
心復有如是微塵數衆生在地獄者皆得離
苦生人天中無量菩薩得入初地無量菩薩
得百千三昧無量衆生悉蒙利益無空過者
尔時佛告羅睺羅言善男子我此法要汝當
受持說是語時會中有九十億菩薩摩訶薩
承佛威神即皆避座白佛言世尊我等誓當
受持如來所說法要於此娑婆國土最後時
中見有其人流通為說

尔時四天王白佛言世尊若有能持此經典者我當擁護令其志願皆得滿足所以者何能持此經是法器故

尔時世尊普觀衆會而作是言諸仁者我此所說甚深方廣希有法門非諸衆生有少善根而能聽受能聽受者即爲承事供養於我

亦爲荷擔無上菩提是人當得辯才無礙決定生於清淨佛土是人臨終定得親見阿彌陀佛菩薩大衆而現在前我今在此耑闍崛山諸菩薩衆所共圍遶彼臨終時亦如是見當知是人即爲已得無盡法藏當知是人得宿命智當知是人

不墮惡道善男子我今說此一切世間難信之法設有衆生作五逆罪聞是經已書持讀誦爲人解說所有業障咸得消除終不受於惡趣之苦斯人即爲諸佛菩薩之所護念在在所生諸根具足蒙佛灌頂五眼清淨善男子取要言之我見是人已成佛道

佛說此經已勝思惟等一切菩薩及諸聲聞天龍八部皆大歡喜信受奉行

大乘離文字普光明藏經

佛說長者子制經

後漢安息三藏法師 安世高譯

聞如是一時佛在羅閱祇耆闍崛山中時與五百沙門俱皆阿羅漢平旦皆被袈裟持鉢入城各勾食時城中有四姓豪貴家國中第一所居高燥舍宅樓觀甚好垣墻周而七重門四姓豪家字檀屺迦奈有一子字制年十六父檀屺迦奈歿故制獨與母居佛時到其家勾食時制在內第三門住遙見佛來制自念言是人何壹端正絕好乃尔好如明月珠光明如日月其色如黃金如月十五日盛滿時佛住於門外制便走入語母言我見一人來大端正絕妙天下無有輩我生已來未曾